



## FAPACEL

Virxe da Soidade, s/n  
27003 – Lugo  
fapacel@hotmail.com

María Belén Díaz Parga, con enderezo para os efectos de notificación en Rúa da Soedade s/n, 27003 de Lugo, teléfono 609 983876, na miña condición de presidenta da entidade FAPACEL (Federación provincial de ANPAs de centros públicos de Lugo).

### EXPÓN:

Que o DECRETO 132/2013, de 1 de agosto, polo que se regulan os comedores escolares dos centros docentes públicos non universitarios dependentes da consellería con competencias en materia de educación, fai referencia ao artigo 31 do Estatuto de autonomía de Galicia, que dispón: “É da competencia plena da Comunidade Autónoma galega a regulación e administración do ensino en toda a súa extensión, niveis e graos, modalidades e especialidades, no ámbito das súas competencias(…)\”, recoñecendo plenas competencias educativas á Consellería de Educación da Xunta de Galicia.

Neste decreto configúrase “o comedor escolar como un recurso educativo de carácter complementario, compensatorio e social, especialmente destinado a garantir a efectividade da educación básica obligatoria dentro dos principios de igualdade e solidariedade”, e asúmese que o que empezou para “dar resposta á situación de desvantaxe social e económica de moitas familias, derivada do tradicional asentamento poboacional en núcleos illados e diseminados, e foi concibido, polo tanto, como medio de salvar as dificultades de acceso ao ensino motivadas pola dita dispersión xeográfica, razón pola que ata de agora se concibia unido ao servizo de transporte escolar” agora é necesario como “importante instrumento para a conciliación da vida laboral e familiar”.

No artigo 2, no que especifica as modalidades de xestión do servizo do comedor escolar, considera a xestión por parte doutras administracións públicas distintas da Xunta de Galicia, e incluso por parte das asociacións de nais e pais e as súas federacións.

### SOLICITA:

Que a Consellería de Educación, organismo con plenas competencias educativas sexa a que xestione directamente os comedores urbanos, que non teñen alumnado transportado, para subsanar o agravio comparativo entre o alumnado dos distintos centros educativos, que teñen que depender da disposición de concellos ou de asociacións de pais e nais, e o xestione na modalidade reflectida no punto a): “xestión directa, consistente na elaboración por persoal laboral da Xunta de Galicia dos menús nas dependencias do centro escolar, onde serán consumidos exclusivamente por comensais do dito centro ou, se é o caso, por comensais pertencentes a centros próximos autorizados para o efecto. Igualmente, considerase xestión directa da consellería o suposto en que a comida elaborada nun centro polo persoal de cociña propio sexa consumida nas dependencias doutro, ao que sexa transportada mediante a contratación dunha empresa especializada”

Lugo, 26 de xullo de 2016

Belén Díaz Parga, presidenta de FAPACEL